


ՀԱՅ ԳԻՏՆԱԿԱՆՆԵՐԸ ԽՈՐՀՐԴԱՅԻՆ ՍՈՑ.

ՀԱՆՐԱՊԵՏՈՒԹԻՒՆՆԵՐՈՒ ՄԻՈՒԹԵԱՆ

ԳԻՏՈՒԹԵԱՆՑ ԿԱՃԱՌԻՆ ՄԷՋ

Գրեց՝ ՓՐՈՑԵՍՈՐ ՅՈՎՍԷՓ Կ. ԿՈՒՍԻԿԵԱՆ




ԼԵՒՈՆ ՕՐԲԵԼԻ

Խորհ. Ս. Հանրապետութեանց Միութեան ԲԺՂ. Սպասարկութեան Գնդապետ-Զօրավար, անոր Գիտութեանց Կանառի Փոխ Նախագահ եւ ԲԺՂ. Զինուորական Բարձր Վարժարանի պետ եւ Հայկական Գիտութեանց Կանառի անդամ, որ իր ուշագրաւ երկասիրութեանց համար արժանացած է Ընկերվարական Աշխատանքի Դիւցմի ամենաբարձր տիտղոսին:

ՄՈՍԿՎԱ Յուլիս 5. — Խորհրդային Սոցիալիստական Հանրապետութեանց Միութեան Կաճառի 220-րդ տարեդարձին առթիւ, Խորհրդային Կառավարութիւնը պատւանշաններ շնորհեց բազմաթիւ գիտուններու, որոնք Կաճառի գիտական հիմնարկներուն մէջ կը դորձեն: Անոնց մէջ կը գտնւին կարգ մը Հայեր, որոնց գիտական դորձերը հանրաձանօթ են Խորհրդային Միութեան մէջ:

Ամենաբարձր պատիւը տրւած է Բժշկական Սպասարկութեան Գնդապետ-Զօրավար ԼԵՒՈՆ ՕՐԲԵԼԻՆ, որ Խորհ. Ս. Հանրապետութեանց Միութեան Գիտութեանց Կաճառի առաջին Փոխ Նախագահն է, եւ ընդունած է Ընկերվարական Աշխատանքի Դիւցազնի տիտղոսը գիտական ցցուն մեծադորձութեանց համար ջլային դրութեան եւ ջլային ամենաբարձր դորձունէութեան բնախօսութեան մէջ, ինչպէս նաեւ իր բազմամեա արդիւնալից դորձերուն համար, կրթելով բարձրորակ ուժեր մասնաւորապէս Բանակի Բժշկական Սպասարկութեան համար»: ԼԵՒՈՆ ՕՐԲԵԼԻՆ՝ Խորհ. Ս. Հ. Միութեան Բժշկական Զինուորական Բարձր Վարժարանի պետն է, եւ անդամը՝ Հայկական Գիտութեանց Կաճառին: Ան՝ մեծ բնախօս Իվան Փավլովի աշակերտն էր, եւ այժմ կը շարունակէ անոր դորձը:




Յ. Ա. ՕՐԲԵԼԻ

Ա. Ի. ԱԼԻԽԱՆՈՎ

Վ. Հ. ՀԱՄԲԱՐՁՈՒՄԵԱՆ

Լենինի աստիճանով վարձատրւած է իր եղբայրը, Յովսէփ Օրբելի, որ Խորհ. Ս. Հանրապետութեանց Միութեան Գիտութեանց Կաճառին անդամ է եւ նախագահը Հայկական Գիտութեանց Կաճառին, ու տնօրէնը Լենինկրատի Թանգարանին: Յովսէփ Օրբելի Թուս մեծ գիտնական Նիքոլայ Մառի աշակերտն է եւ այժմ կը շարունակէ անոր դորձը, եւ շատ հանրաձանօթ է Հայ Ժողովուրդին Հայկական մշակոյթի իր ուսումնասիրական դորձով:



Յ. Հ. ՄԱՆԱՆԻՆԱՆ

Ա. Ի. ԱԼԻԽԱՆՆԱՆ

Խ. Ս. ԿՈՇՏՈՆԱՆՅ

Միւս Հայ գիտնականները, որոնք պարգեւատրւած են Լենինի պատւանշանով, ասոնք են. — Աբրահամ Ալիխանով՝ անդամ Խորհ. Ս. Հ. Միութեան Գիտութեանց Կաճառին, բնախօս եւ աստղաբան. Վիքթոր Համբարձումեան՝ Խ. Ս. Հ. Մ. Գիտութեանց Կաճառի անդամ եւ Հայկական Գիտութեանց Կաճառի փոխ նախագահ: Երկուքն ալ դորձօն մասնակցութիւն ունեցած են Խ. Ս. Հանրապետութեանց Միութեան պաշտպանութեան մէջ՝ ընդդէմ Փաշական ասպատակիչներուն: Յովսէփ Օրբելի պաշարեալ Լենինկրատի պաշտպանութեան մասնակից եղած է եւ պաշտպանած է Թանգարանը: Ծանրաբէս հիւանդանալով, հակառակ իր բաղձանքին, սաւառնակով փոխադրւած է Լենինկրատէն: (Նարուսեակուրիւնը Տես Բ. էջ)

ՀԱՅ ԳԻՏՈՒՆՆԵՐԸ Խ. Ս. ՀԱՆՐԱՊԵՏՈՒԹԵԱՆՑ ՄԻՈՒԹԵԱՆ ԳԻՏՈՒԹԵԱՆՑ ԿԱՃԱՌԻՆ ՄԷՋ

(Շարունակւած Ա. Էջէն)

Կարգ մը Հայ դիտուններու շնորհւած է Աշխատանքի Կարմիր Դրօշի շքանշանը, անոնց կարկառուն գործին համար վերջնագոյն տարիներուն մէջ: Այս պատւանշանը տրւած է Յակոբ Մանանդեանի որ անդամ է Համամիութենական եւ Հայկական Գիտութեանց Կաճառներուն, Հայաստանի պատմութեան իր ուսումնասիրութեանց համար. Յարութիւն Ալիխանեանին, որ բնագիտութեան եւ ուսուցութեան (մաթեմատիքս) վարդապետ (տոքթոր) մըն է, իր խուզական ճաներուն համար զորս դրած է Հայկական Կաճառի Բնագիտական Հարցերու Հիմնարկի Երիցագոյն գիտական աշխատաւորի մը հանգամանքով. ուսուցչապետ Ստեփան Պարխուտարով, իր կադմակերպական ջանքին համար Ռուս Լեզւի Հաստատութեան Հիմնարկութեան մէջ, որուն օգնական տնօրէնն է, ըլլալով նաեւ Պորհ. Ս. Հ. Միութեան Գիտութեանց Կաճառի Գրականութեան եւ Լեզւի Բաժնի քարտուղարը: Պարխուտարով հանրածանօթ է Պորհ. Միութեան մէջ եւ իր ուսերէն լեզւի քերականութիւնը կը գործածել որպէս առձեռն գիրք Սովետ Միութեան Երկրորդական բոլոր վարժարաններուն մէջ:

Կարմիր Դրօշի պատւանշան տրւած է նաեւ Տոքթոր Ալեքսի Ճիվելեկովին, որ Մաքսիմ Կորքիի Հիմնարկութեան Երիցագոյն գիտական աշխատաւորն է, համաշխարհային գրականութեան համար: Տոքթոր Ճիվելեկով մասնագէտ մըն է իտալերէն գրականութեան եւ Արեւմտեան Եւրոպայի թատրոնի պատմութեան մէջ: Այս նիւթին շուրջ իր ուսումնասիրութիւնը դասագիրք մըն է որ կը գործածել Պ. Ս. Հ. Միութեան թատերական բարձր դպրոցներու ուսանողներէն: Մի եւ նոյն պատւանշանը շնորհւած է Սաչատուր Կոչթոյեանցին, որ Համամիութենական ինչպէս նաեւ Հայկական Գիտութեանց Կաճառներու թղթակից անդամ մըն է: Կոչթոյեանց օգնականն է Կաճառական Նորայր Սիսակեանի, որ քարտուղարն է Պ. Ս. Հ. Միութեան Գիտութեանց Կաճառի կենսաբանական բաժնին Արպախի (աղաւաղեալ) Կենսա-տարրաբանութեան Հիմնարկութեան: Վերջապէս, Աշխատանքի Կարմիր Դրօշի պատւանշանի արժանացած է Տիգրան Սաչատուրով, որ Հայկական Գիտութեան Կաճառի թղթակից անդամ մըն է եւ հռչակաւոր մասնագէտ մը Երկաթուղային տնտեսագիտութեան մէջ:

Հայ դիտուններուն տրւած այս վարձատրութիւնները կ'ապացուցանեն, որ անոնք արժանաւոր տեղ մը կը գրաւեն Պ. Ս. Հ. Միութեան գիտական աշխարհին մէջ: Իրենց գործով, անոնք աջակցեցան յաղթանակը շահելու ընդդէմ Գերման ֆաշական յարձակողականներուն: